



PANDUAN DAN PERATURAN AM MENGISI SURAT TAWARAN PINJAMAN, DOKUMEN PERJANJIAN, LAMPIRAN PERJANJIAN DAN DOKUMEN JAMINAN PINJAMAN PENDIDIKAN PTPTN

1. Sila pastikan satu set dokumen tawaran yang dicetak daripada laman web mengandungi dokumen-dokumen berikut :-
 - a) Maklumat Permohonan Pinjaman. (*Boleh dicetak di butang CETAK MAKLUMAT di laman web Permohonan 'Online' yang didaftar oleh pemohon*).
 - b) Senarai Semakan Dokumen
 - c) Surat Tawaran Pinjaman Pendidikan
 - i. Akuan Penerimaan
 - ii. Surat Kebenaran 1, 2, 3 dan 4
 - d) Dokumen Perjanjian Pinjaman Pendidikan
 - e) Dokumen Lampiran Perjanjian Pinjaman Pendidikan
 - f) Dokumen Jaminan
 - Pelajar perlu menyediakan DUA (2) set dokumen yang merangkumi perkara c),d),e) dan f) di atas. Bagi perkara a) dan b), hanya satu set.
 - 1 set salinan perlu dicetak terus daripada komputer manakala set salinan kedua boleh dibuat salinan pendua (fotostat) sebelum pengisian dilakukan. Kedua-dua set tersebut perlu diisi dan ditandatangani oleh PEMOHON, PENJAMIN dan SAKSI.
2. Tuan/puan perlu menyediakan Setem Hasil berharga RM10.00 setiap satu untuk setiap set dokumen tawaran.
3. Setiap cetakan dokumen tawaran mestilah menggunakan kertas putih bersaiz A4 (80 gsm) dengan menggunakan satu muka kertas untuk setiap satu (cetakan tidak dilakukan pada muka hadapan dan belakang pada helaian yang sama. Dakwat cetakan hendaklah berwarna hitam.
4. Disyaratkan supaya setiap dokumen tawaran yang dicetak atau difotokopi mempunyai watermark (logo) PTPTN seperti yang dipaparkan di dalam laman web kecuali pada Surat Kebenaran 1, 2, 3 dan 4.
5. Sila gunakan pen/pen mata bulat (*ball point*) **BERDAKWAT HITAM** atau **BIRU** sahaja.
6. Hendaklah **DITULIS TANGAN** dan **BERHURUF BESAR**.
7. Jika berlaku **KESILAPAN** semasa **MENGISI DOKUMEN TAWARAN**, gariskan satu garisan lurus dan turunkan tandatangan ringkas di hujung sebelah kanan tempat yang salah (**dilarang sama sekali menggunakan sebarang getah atau cecair pemadam (liquid paper)**).
8. Cara-cara mengisi **SURAT TAWARAN PINJAMAN**:
 - i) Sila semak butir-butir diri serta maklumat pengajian dan pinjaman seperti yang terdapat di dalam Dokumen Tawaran Pinjaman Pendidikan PTPTN.
 - ii) Hanya pindaan pada ejaan **Nama, Alamat, Nama Bank** dan **Nombor Akaun Bank** sahaja yang dibenarkan. **Pindaan hendaklah dibuat pada Dokumen Tawaran**

Pinjaman serta mengisi Borang Pindaan Maklumat (boleh diperolehi dalam laman web PTPTN – www.ptptn.gov.my). Setiap pindaan mestilah disertakan dengan **salinan dokumen sokongan** yang telah disahkan.

- iii) **Akuan Penerimaan** – Sila turunkan TANDATANGAN dan TARIKH (Tarikh perjanjian ditandatangani).
- iv) **Surat Kebenaran 1, 2, 3 dan 4** - Sila tulis TARIKH SURAT dan turunkan TANDATANGAN dan TARIKH (Tarikh perjanjian ditandatangani).

9. Cara-cara mengisi **DOKUMEN PERJANJIAN PINJAMAN:**

- i) Sila semak maklumat pada **Jadual Pinjaman**. Sila isi **TARIKH PERJANJIAN DIMATIKAN SETEM** pada ruangan di **Bahagian I**.
- ii) Sila turunkan TANDATANGAN PELAJAR
- iii) Sila pastikan butir-butir maklumat saksi dilengkapkan oleh saksi.
- iv) Syarat-syarat saksi untuk perjanjian pinjaman:
 - Semua saksi hendaklah warganegara Malaysia yang bermastautin di Malaysia.
 - Semua pegawai kerajaan kumpulan Pengurusan dan Profesional (dahulunya dikenali sebagai kumpulan A) di kementerian/ Jabatan Persekutuan dan negeri / Pejabat Daerah / IPTA / Sekolah dan lain-lain.
 - Pesuruhjaya Sumpah dan Jaksa Pendamai.
 - Wakil Rakyat / Senator.
 - Penggawa / Penghulu / Ketua Masyarakat / Sidang / Pegawai Pembangunan Mukim / Pengerusi JKKK (Jawatankuasa Kemajuan dan Keselamatan Kampung).
 - Untuk SABAH DAN SARAWAK – Ketua Kaum / Ketua Anak Negeri / Kapitan / Pemanca / Pegawai Taman Sabah.
 - Pegawai-pegawai IPTS yang mendapat kebenaran bertulis daripada PTPTN.

10. Cara-cara mengisi **LAMPIRAN PERJANJIAN PINJAMAN:**

Sila turunkan tandatangan ringkas pelajar dan penjamin pada **setiap muka surat** pada ruangan yang disediakan di bahagian bawah lampiran.

11. Cara-cara mengisi **DOKUMEN JAMINAN:**

- i) Penjamin mestilah terdiri daripada ibu kandung dan bapa kandung pelajar tanpa mengambilkira jumlah pendapatan. Sekiranya salah seorang atau kedua-duanya telah meninggal dunia atau tidak dapat dikesan, maka salinan sijil kematian atau surat akuan sumpah hendaklah disertakan.
- ii) Sila semak maklumat pelajar dan penjamin di **Jadual I** dan **Jadual II**.
- iv) Sila turunkan TANDATANGAN PENJAMIN di ruangan yang disediakan.
- v) Sila pastikan butir-butir maklumat saksi dilengkapkan oleh saksi.
- vi) Sila isi tarikh jaminan disempurnakan.
- vii) Ruangan AKUAN PENJAMIN – Sila turunkan tandatangan PENJAMIN di ruangan yang disediakan.

12. CUKAI SETEM/SETEM HASIL:

- a. Dokumen perjanjian yang telah disempurnakan hendaklah dilekatkan **SETEM HASIL** berharga RM10.00 pada setiap dokumen **PERJANJIAN PINJAMAN PENDIDIKAN** sahaja.
- b. Setem Hasil tersebut hendaklah dilekatkan di sudut kanan atas di muka hadapan pada kedua-dua set Dokumen Perjanjian Pinjaman Pendidikan (sila rujuk contoh yang disertakan).
- c. Kaedah membatalkan **Setem Hasil**:
 - i) Pelajar hendaklah membatalkan sendiri semua Setem Hasil tersebut dengan membuat dua garis lurus atas Setem Hasil berkenaan dan garisan tersebut mestilah kena pada dokumen perjanjian serta menulis tarikh setem itu dibatalkan di antara dua garisan tersebut (sila rujuk contoh yang disertakan; **ATAU**
 - ii) Membayar cukai setem sebanyak RM10.00 setiap satu dokumen di Pejabat Duti Setem dengan membawa bersama-sama kesemua set dokumen perjanjian yang telah lengkap diisi.
- d. Tarikh mati setem hasil mestilah sama bagi kedua-dua set dokumen perjanjian.

13. Dokumen yang telah dilengkapkan dan perlu dikembalikan segera kepada PTPTN ialah:

- a) Maklumat Permohonan Pinjaman. (*Boleh dicetak di butang CETAK MAKLUMAT di laman web Permohonan 'online' yang didaftarkan oleh pemohon*) – 1 set.
- b) Senarai Semak Dokumen -1 set
- c) 2 Set Bagi Setiap Dokumen Berikut:*
 - i. Surat Tawaran Pinjaman Pendidikan ;
 - ii. Akuan Penerimaan;
 - iii. Surat Kebenaran 1, 2, 3 dan 4;
 - iv. Dokumen Perjanjian Pinjaman Pendidikan yang telah ditampal dan dibatalkan dengan Setem Hasil;
 - v. Dokumen Lampiran Pinjaman Pendidikan;
 - vi. Dokumen Jaminan.

*Setiap satu set adalah untuk **Pemohon dan PTPTN**. Bagi Lampiran Perjanjian, pemohon dan kedua-dua penjamin dikehendaki untuk menurunkan tandatangan ringkas pada setiap helaian muka surat.

- d) 1 Set **SALINAN** Dokumen Sokongan Yang Berkaitan Dan Telah Disahkan Seperti Berikut:
 - i. Kad Pengenalan pemohon; (muka hadapan dan belakang dibuat salinan pada muka surat yang sama);
 - ii. Surat Tawaran dari IPT;
 - iii. Sijil SPM (salinan transkrip keputusan peperiksaan SPM hanya diterima jika tidak melebihi tempoh DUA TAHUN dari tahun peperiksaan kepada tahun pinjaman PTPTN dibuat;
 - iv. Sijil kelayakan masuk lain (contoh: STPM/ Diploma/ Matrikulasi/ Ijazah Sarjana Muda/ Ijazah Sarjana (Master) (surat pengesahan tamat pengajian dari IPT perlu disertakan jika pemohon belum menerima sijil dan tiada pengesahan tamat pada transkrip peperiksaan);

- v. Slip Gaji atau Kad Pesara Kerajaan atau Borang Pengesahan Pendapatan (EA/EC) atau Borang Pengesahan Pendapatan Ibu Bapa / Penjaga dan Pasangan Penjaga / Pemohon dan Pasangan (format borang pengesahan pendapatan boleh diperolehi di laman web PTPTN – www.ptptn.gov.my);
- vi. Kad Pengenalan Ibu dan Bapa kandung;
- vii. Sijil Kematian sekiranya ibu atau bapa kandung meninggal dunia atau Akuan Sumpah sekiranya tidak dapat dikesan;
- viii. Surat Pengesahan/ Surat Akuan daripada Jabatan Kebajikan Masyarakat / Pusat Zakat, sekiranya pemohon / ibu / bapa / penjaga merupakan penerima bantuan bulanan dari agensi berkenaan;
- ix. Kad keahlian SSPN/ slip deposit SSPN/ penyata akaun SSPN/ cetakan penyata akaun SSPN dari laman web PTPTN;

Bagi pelajar yang mengemukakan permohonan pada semester 2 dan ke atas, tambahan dokumen sokongan berikut diperlukan:

- x. Surat pengesahan masih belajar dari IPT;
- xi. Salinan keputusan peperiksaan setiap semester sebelumnya.

14. Dokumen di atas hendaklah **DISERAHKAN** kepada pegawai PTPTN pada sesi taklimat (sekiranya diadakan) atau melalui Pejabat Hal Ehwal Pelajar Universiti / Politeknik / Kolej masing-masing.

PERHATIAN :

Pihak PTPTN berhak menolak dokumen yang tidak kemas, kotor dan terlalu banyak kesilapan serta saksi yang tidak layak.

SENARAI SEMAKAN DOKUMEN YANG PERLU DISERAHKAN OLEH PELAJAR

NAMA PELAJAR HASRUL NIZAM BIN AHMAD
 NOMBOR KAD PENGENALAN 810814065255
 INSTITUSI UNIVERSITI ISLAM ANTARABANGSA

BIL	PERKARA	Untuk kegunaan PTPN
DOKUMEN TAWARAN		
1	Surat Tawaran Pinjaman Pendidikan	<input type="checkbox"/> _____ Set
2	Akuan Penerimaan	<input type="checkbox"/> _____ Set
3	Jaminan	<input type="checkbox"/> _____ Set
4	Surat Kebenaran 1, 2, 3 dan 4	<input type="checkbox"/> _____ Set
5	Perjanjian Pinjaman Pendidikan	<input type="checkbox"/> _____ Set
6	Lampiran Perjanjian Pinjaman Pendidikan - Ditandatangani ringkas oleh penjamin dan penjamin di setiap muka surat di penjuru kanan bawah.	<input type="checkbox"/> _____ Set
DOKUMEN YANG PERLU DISAHKAN / DITUNJUTANGANI		
1	Salinan buku akaun (muka surat yang tercatat nombor akaun) / Slip / Pengesahan nombor akaun persendirian mengikut bank yang telah ditetapkan oleh IPT.	<input type="checkbox"/> _____ Set
2	Salinan Borang Cukai Pendapatan (B/BE/EA/EC) / Slip Gaji / Kad Pesara / borang atau surat pengesahan pendapatan IBUBAPA / PENJAGA KEDUA (2)	<input type="checkbox"/> _____ Set
3	Salinan Surat Tawaran Kemasukan ke IPT	<input type="checkbox"/> _____ Set
4	Salinan transkrip keputusan peperiksaan dan sijil kelayakan masuk lain. Contoh : STPM / Diploma / Matrikulasi	<input type="checkbox"/> _____ Set
5	Salinan Borang Cukai Pendapatan (B/BE/EA/EC) / Slip Gaji / Kad Pesara / borang atau surat pengesahan pendapatan PEMOHON	<input type="checkbox"/> _____ Set
6	Surat Pengesahan Masih Belajar Dari IPT Bagi Pelajar Yang Mengemukakan Permohonan Pinjaman Pada Semester Kedua Dan Ke Atas	<input type="checkbox"/> _____ Set
7	Salinan Kad Pengesahan Permohonan	<input type="checkbox"/> _____ Set
8	Salinan Borang Cukai Pendapatan (B/BE/EA/EC) / Slip Gaji / Kad Pesara / borang atau surat pengesahan pendapatan IBUBAPA / PENJAGA PERTAMA (1)	<input type="checkbox"/> _____ Set
9	Salinan Borang Cukai Pendapatan (B/BE/EA/EC) / Slip Gaji / Kad Pesara / borang atau surat pengesahan pendapatan PASANGAN PEMOHON	<input type="checkbox"/> _____ Set
10	Salinan Keputusan Peperiksaan Setiap Semester Sebelumnya. (Bagi Pelajar Yang Mengemukakan Permohonan Pinjaman Pada Semester Kedua Dan Ke Atas)	<input type="checkbox"/> _____ Set
11	Salinan Sijil Pelajaran Malaysia (SPM) (bagi yang mengemukakan salinan slip keputusan peperiksaan SPM, hanya slip yang tidak melebihi tempoh 2 tahun dari tahun peperiksaan diambil boleh diterima pakai)	<input type="checkbox"/> _____ Set
MAKLUMAT PELAJAR		
1	Nombor Akaun Bank	21414141421412
2	Nama Penjamin 1	AHMAD BIN ABU 571110015543
3	Nama Penjamin 2	ZAWIYAH BINTI YAACOB 590505035144
4	Pendapatan Bersih Pemohon	
5	Nama Penjaga 1 dan Pendapatan Bersih	AHMAD BIN ABU RM 1500.00
6	Nama Penjaga 2 dan Pendapatan Bersih	ZAWIYAH BINTI YAACOB RM 1000.00

Untuk kegunaan PTPTN sahaja:

STATUS PERMOHONAN: TERIMA / TOLAK

Catatan: _____

Disemak oleh (Pegawai PTPTN): _____

(Nama Pegawai & Cop Rasmi Jawatan)

Tarikh: _____

CONTOH



PERBADANAN TABUNG PENDIDIKAN TINGGI NASIONAL
Lot G2, Tingkat Bawah, Wisma Chase Perdana
Off Jalan Semantan
Damansara Heights
50490 Kuala Lumpur

PTPTN-P-02/1-2004 Pin. 5A

Telefon: 03 - 2092 7788
Faks: 03 - 20942769/20983769
Laman Web: www.ptptn.gov.my
Emel: penyata@ptptn.gov.my

HASRUL NIZAM BIN AHMAD
NO2 JALAN SANA SINI,
TAMAN AHLI,
12333 BANDAR AHLI,
JOHOR

2008/232661
08/05/2008

SURAT TAWARAN PINJAMAN PENDIDIKAN

Sukacita dimaklumkan bahawa tuan/puan adalah ditawarkan Pinjaman Pendidikan Perbadanan Tabung Pendidikan Tinggi Nasional (PTPTN) seperti berikut:

(i) INSTITUSI	UNIVERSITI ISLAM ANTARABANGSA
(ii) JURUSAN	SASTERA
(iii) KURSUS/PROGRAM	SEPENUH MASA-DOKTOR FALSAFAH FALSAFAH, THEOLOGY, ETIKA DAN ISU-ISU SEMASA
(iv) JENIS PENGAJIAN	SEPENUH MASA
(v) PERINGKAT PENGAJIAN	DOKTOR FALSAFAH SEPENUH MASA
(vi) TEMPOH PEMBAYARAN PINJAMAN	2 SEMESTER
	MULAI 01/12/2007
	HINGGA 29/11/2008
(vii) PINJAMAN YANG DILULUSKAN	RM 11,745.00
(viii) NAMA BANK	BMMB
(ix) NOMBOR AKAUN BANK	1414141412
(x) TEMPOH BAYARAN BALIK	120 BULAN
(ix) ANGGARAN ANSURAN BULANAN	*RM 1,157

* (Ansuran bulanan sebenarnya dimaafkan bersama Notis Bayaran Balik tertakluk kepada peraturan pembayaran balik yang ditetapkan oleh PTPTN dari semasa ke semasa)

2. Sekiranya tuan/puan bersetuju menerima tawaran ini, sila lengkapkan Akaun Penerimaan, Jaminan dan Perjanjian Pinjaman Pendidikan (PTPTN-P-03/1-2004 Pin.6B) dan kembalikan bersama-sama dokumen sokongan kepada PTPTN semasa sesi serahan dokumen-dokumen berkaitan kepada pegawai PTPTN di IPT pada tarikh-tarikh yang ditetapkan. Sekiranya dokumen-dokumen tersebut tidak dikembalikan dengan lengkap pada tarikh yang dinyatakan, tawaran ini boleh dibatalkan oleh PTPTN atas budi bicara mutlakny.

3. Walau apa pun peruntukan di dalam surat ini, PTPTN berhak meminda syarat-syarat dan terma-terma yang ditetapkan pada bila-bila masa tanpa pemberitahuan dan tuan/puan adalah tertakluk kepada pindaan pindaan tersebut. PTPTN juga berhak menarik balik tawaran ini tanpa perlu memberi sebarang sebab.

Sekian, terima kasih.

"BERKHIDMAT UNTUK NEGARA"

Saya yang menurut perintah,

(WAN AHMAD BIN WAN YUSOFF)
b.p. Ketua Eksekutif
Perbadanan Tabung Pendidikan Tinggi Nasional

[Nota: Sila gunakan nombor ini bersama dengan nombor kad pengenalan untuk semakan penyata kira-kira melalui laman web]

Dokumen ini adalah cetakan komputer dan tidak memerlukan tandatangan

"Dana Pendidikan Pemangkin Pembangunan Negara"



810814065255



232661

AKUAN PENERIMAAN

NAMA PELAJAR	HASRUL NIZAM BIN AHMAD
NOMBOR KAD PENGENALAN	810814065255
KURSUS/PROGRAM	SEPENUH MASA-DOKTOR FALSAFAH FALSAFAH, THEOLOGY, ETIKA DAN ISU-ISU SEMASA
INSTITUSI	UNIVERSITI ISLAM ANTARABANGSA
NOMBOR SURAT TAWARAN	2008/232661
TARIKH SURAT TAWARAN	08/05/2008
NOMBOR AKAUN BANK	21414141421412
NAMA BANK	BMMB

Saya seperti nama di atas telah membaca dan memahami segala syarat dan terma pinjaman seperti yang dinyatakan di dalam Surat Tawaran Pinjaman merujuk nombor dan tarikh surat tawaran yang tertera di atas.

Saya bersetuju menerima tawaran pinjaman pendidikan oleh Perbadanan Tabung Pendidikan Tinggi Nasional seperti yang terkandung dalam surat ini.

Saya juga mengesahkan bahawa nombor kad pengenalan, kursus/program dan institusi, nombor akaun dan nama bank yang tertera di atas adalah betul.

Tandatangan: _____

Tarikh: _____

Hasrul Nizam Bin Ahmad
30/05/2008



810814065255



232661

SURAT KEBENARAN 1

NAMA PELAJAR HASRUL NIZAM BIN AHMAD
NOMBOR KAD PENGENALAN 810814065255
ALAMAT NO2 JALAN SANA SINI,
TAMAN AHLI,
12333 BANDAR AHLI,
JOHOR

Tarikh 30/05/2008

Kepada:

Tuan,

KEBENARAN / KEIZINAN PEMOTONGAN BAHAGIAN PINJAMAN UNTUK BAYARAN BALIK
PINJAMAN PENDIDIKAN PERBADANAN TABUNG PENDIDIKAN TINGGI NASIONAL (PTPTN)

NOMBOR SURAT TAWARAN : 2008/23266

TARIKH: 08/05/2008

Saya seperti nama di atas, dengan ini bersetuju memberi kebenaran/keizinan kepada tuan supaya memotong sebahagian (jumlah) pinjaman yang ditentukan oleh PTPTN daripada biasiswa/pinjaman pelajaran saya yang dipinjam oleh saya daripada PTPTN untuk dibayar kepada PTPTN sebagai bayaran balik Pinjaman Pendidikan.

2. Surat kebenaran ini adalah sebagai memenuhi sebahagian syarat-syarat pinjaman pendidikan yang diluluskan oleh PTPTN mengikut Surat Tawaran Pinjaman Pendidikan seperti di atas.

3. Surat ini sah sehingga keseluruhan pinjaman tersebut dilunaskan.

Sekian, terima kasih.

Yang benar,



(Tandatangan Pelajar)



810814065255



232661

SURAT KEBENARAN 2

NAMA PELAJAR HASRUL NIZAM BIN AHMAD
NOMBOR KAD PENGENALAN 810814065255
ALAMAT NO2 JALAN SANA SINI,
TAMAN AHLI,
12333 BANDAR AHLI,
JOHOR

Tarikh 30/05/2008
Kepada:

Tuan,

KEBENARAN / KEIZINAN MENGHUBUNGI LEMBAGA HASIL DALAM NEGERI / KUMPULAN WANG SIMPANAN PEKERJA / PERTUBUHAN KESELAMATAN SOSIAL / BANK / MANA-MANA AGENSI LAIN UNTUK MENDAPATKAN MAKLUMAT / MAKLUMAT PERIBADI PELAJAR

NOMBOR SURAT TAWARAN : 2008/232661

TARIKH: 08/05/2008

Saya seperti nama di atas, membenarkan PTPTN untuk menghubungi agensi-agensi yang tersebut di atas bagi tujuan mendapatkan maklumat peribadi saya pada bila-bila masa diperlukan.

2. Surat kebenaran ini adalah sebagai memenuhi sebahagian syarat-syarat pinjaman pendidikan yang diluluskan oleh PTPTN mengikut Surat Tawaran Pinjaman Pendidikan seperti di atas.

Sekian, terima kasih

Yang benar,



(Tandatangan Pelajar)



810814065255



232661

SURAT KEBENARAN 3

NAMA PELAJAR HASRUL NIZAM BIN AHMAD
NOMBOR KAD PENGENALAN 810814065255
ALAMAT NO2 JALAN SANA SINI,
TAMAN AHLI,
12333 BANDAR AHLI,
JOHOR

Tarikh 30/05/2008

Kepada:

Tuan,

KEBENARAN / KEIZINAN PEMOTONGAN PINJAMAN PENDIDIKAN UNTUK BAYARAN YURAN
PENGHAJIAN KEPADA INSTITUSI PENDIDIKAN TINGGI (IPT) PELAJAR

NOMBOR SURAT TAWARAN : 2008/232661

TARIKH: 08/05/2008

Saya seperti nama di atas, dengan ini bersetuju memberi kebenaran/keizinan kepada tuan supaya memotong daripada pinjaman pendidikan saya sejumlah amaun yang ditentukan oleh PTPTN atau IPT saya untuk bayaran yuran penghaajian yang dikenakan oleh universiti, kolej atau institusi di mana saya mengikuti kursus pengajian.

2. Surat kebenaran ini adalah sah mematuhi sebahagian syarat-syarat pinjaman pendidikan yang diluluskan oleh PTPTN mengikut Surat Tawaran Pinjaman Pendidikan seperti di atas.

Sekian, terima kasih.

Yang benar,

(Tandatangan Pelajar)



810814065255



232661

SURAT KEBENARAN 4

NAMA PELAJAR HASRUL NIZAM BIN AHMAD
NOMBOR KAD PENGENALAN 810814065255
ALAMAT NO2 JALAN SANA SINI,
TAMAN AHLI,
12333 BANDAR AHLI,
JOHOR

Tarikh 30/05/2008

Kepada:

Tuan,

KEBENARAN / KEIZINAN PEMOTONGAN GAJI KEPADA MAHASISWA BERKEBENAAN UNTUK BAYARAN BALIK PINJAMAN PENDIDIKAN PERBADANAN TABUNG PENDIDIKAN TINGGI NASIONAL (PTPTN)

NOMBOR SURAT TAWARAN : 2008/232661

TARIKH: 08/05/2008

Saya seperti nama di atas, dengan ini bersetuju memberi kebenaran/keizinan kepada tuan supaya memotong sebahagian/... yang ditentukan oleh PTPTN daripada gaji saya untuk dibayar kepada PTPTN sebagai bayaran balik Pinjaman Pendidikan PTPTN.

2. Surat kebenaran ini adalah sebagai memenuhi sebahagian syarat-syarat pinjaman pendidikan yang diluluskan oleh PTPTN mengikut Surat Tawaran Pinjaman Pendidikan seperti di atas.

3. Surat ini sah selangka keseluruhan pinjaman tersebut dilunaskan.

Sekian, terima kasih.

Yang benar,

(Tandatangan Pelajar)



810814065255



232661

PERBADANAN TABUNG PENDIDIKAN TINGGI NASIONAL

PERJANJIAN PINJAMAN PENDIDIKAN



1. PERJANJIAN INI dibuat pada hari-bulan dan tahun seperti yang dinyatakan di dalam Bahagian I Jadual Pinjaman ANTARA Perbadanan Tabung Pendidikan Tinggi Nasional suatu pertubuhan perbadanan yang ditubuhkan di bawah Akta Perbadanan Tabung Pendidikan Tinggi Nasional 1997 (kemudian daripada ini disebut "PERBADANAN") sebagai pihak pertama DENGAN pelajar seperti yang dinyatakan di dalam Bahagian II Jadual Pinjaman yang beralamat seperti yang dinyatakan di dalam Bahagian III Jadual Pinjaman (kemudian daripada ini disebut "PELAJAR") sebagai pihak kedua.

2. Sebagai balasan bagi Perkara-Perkara yang tersebut di dalam Lampiran Perjanjian Pinjaman Pendidikan, PERBADANAN dengan ini bersetuju untuk meminjamkan kepada PELAJAR wang berjumlah seperti yang dinyatakan di dalam Bahagian IV Jadual Pinjaman (kemudian daripada ini disebut "Pinjaman Tersebut") yang akan dibayar secara berperingkat seperti yang dinyatakan dalam Fasal 3 Lampiran Perjanjian ini untuk sepanjang tempoh perancangan pinjaman yang telah diluluskan oleh PERBADANAN. Pinjaman tersebut akan dibayar oleh PERBADANAN terus kepada akaun bank PELAJAR, di bank seperti yang dinyatakan di dalam Bahagian V Jadual Pinjaman, yang disahkan oleh PELAJAR bernombor seperti yang dinyatakan di dalam Bahagian VI Jadual Pinjaman atau lain-lain cara yang diputuskan lebih sesuai oleh PERBADANAN dari semasa ke semasa.

3. Pelajar dengan ini bersetuju untuk membayar jumlah Tersebut berserta dengan kos pentadbiran seperti yang dinyatakan di dalam Bahagian VIII Jadual Pinjaman kepada PERBADANAN dalam tempoh bayaran balik seperti yang dinyatakan di dalam Bahagian IX Jadual Pinjaman bermula dari Tarikh Permulaan Bayaran Balik seperti yang dinyatakan di dalam Bahagian X Jadual Pinjaman.

4. Adalah dengan ini dipersetujui dan diakui bahawa Surat Tawaran Pinjaman Pendidikan seperti yang dinyatakan di dalam Bahagian VII Jadual Pinjaman dan apa-apa tambahan atau pindaan kepadanya, Lampiran Perjanjian Pinjaman Pendidikan dan apa-apa Pekeliling Rasmi PERBADANAN yang dikeluarkan oleh PERBADANAN dari semasa ke semasa melalui apa-apa cara sekali pun hendaklah dibaca bersama dan menjadi sebahagian daripada Perjanjian ini.

CONTOH

JADUAL PINJAMAN		
BAHAGIAN	PERKARA	BUTIR-BUTIR
I)	Tarikh Perjanjian	Pada: <u>30</u> Haribulan: <u>05</u> Tahun: <u>2008</u>
II)	Nama PELAJAR	NAMA : HASRUL NIZAM BIN AHMAD No. Kad Pengenalan: 810814065255
III)	Alamat PELAJAR	NO2 JALAN SANA SINI, TAMAN AHLI, 12333 BANDAR AHLI, JOHOR
IV)	Jumlah Pinjaman Yang Diluluskan	RM 11,745.00
V)	Nama Bank	BMMB
VI)	No. Akaun Bank	21414141421412
VII)	No. Surat Tawaran	2008/232661
VIII)	Kos Pentadbiran	5% setahun ke atas baki prinsipal berkurangan
IX)	Tempoh Bayaran Balik	120 BULAN
X)	Tarikh Permulaan Pembayaran Balik	Setra ansuran bulanan tidak lewat dari satu (1) bulan selepas tamat tempoh pembayaran pinjaman.

PADA MENYAKSIKAN HAL DI ATAS, saya mengaku bahawa saya telah membaca dan memahami syarat-syarat dan terma-terma pinjaman yang dinyatakan di dalam Perjanjian Pinjaman Pendidikan ini termasuk lampiran Perjanjian Pinjaman Pendidikan yang akan dibaca bersama dan menjadi sebahagian daripada Perjanjian ini dan pihak-pihak yang tersebut dalam perjanjian ini BERSETUJU menandatangani dan meterai mereka di sini pada haribulan dan tahun seperti yang dinyatakan di dalam Bahagian I Jadual Pinjaman untuk mematuhi segala syarat dan terma Perjanjian Pinjaman Pendidikan ini.

Ditandatangani oleh PELAJAR)

Nama PELAJAR: HASRUL NIZAM BIN AHMAD


Disaksikan oleh:

Nama Saksi :)

No. Kad Pengenalan: I/C: 570804 - 11 -5333)

Cop Rasmi Jawatan dan Jabatan:)

HJ. KAMARUDIN BIN HJ. IBRAHIM
Pegawai
Sekolah Menengah Kebangsaan Melawati
18500 Machang, Kelantan



(Tandatangan PELAJAR)



(Tandatangan Saksi PELAJAR)

Ditandatangani bagi pihak PERBADANAN)

(Tandatangan Pegawai PERBADANAN)

Nama Pegawai: /

Disaksikan oleh:

Nama Saksi :

No. Kad Pengenalan:

Cop Rasmi Jawatan dan Jabatan:

(Tandatangan Saksi PERBADANAN)

CONTOH


PERBADANAN TABUNG PENDIDIKAN TINGGI NASIONAL
LAMPIRAN PERJANJIAN PINJAMAN PENDIDIKAN

BAHAWASANYA PERBADANAN telah bersetuju untuk memberikan pinjaman, (kemudian daripada ini disebut "Pinjaman Tersebut") kepada PELAJAR tertakluk kepada syarat-syarat yang terkandung di dalam Perjanjian Pinjaman Pendidikan.

MAKA ADALAH DENGAN INI DIPERSETUJUI DAN DIAKUI PERKARA-PERKARA BERIKUT:-

1. PELAJAR, dengan ini bersetuju:

- (a) bahawa PELAJAR, akan menumpukan sepenuh perhatian kepada kursus pengajian yang diikuti dengan menghadiri kuliah, tutorial, latihan amali dan sebagainya serta memasuki semua ujian atau peperiksaan yang disyaratkan dalam kursus pengajiannya di universiti, kolej atau institusi sebagaimana yang diluluskan oleh PERBADANAN;
- (b) bahawa PELAJAR, semasa dalam tempoh kursus pengajian itu, akan mematuhi apa-apa peraturan dan tata tertib sebagaimana yang berkuat kuasa dari semasa ke semasa dalam universiti, kolej atau institusi tersebut;
- (c) bahawa PELAJAR, semasa dalam tempoh kursus pengajian itu tidak akan menjadi ahli atau mengambil bahagian di dalam parti politik, kesatuan sekerja, pertubuhan badan atau kumpulan sama ada di dalam atau di luar institusi, yang tidak selaras dengan kepentingan PELAJAR atau kepentingan Malaysia kecuali setelah mendapat kebenaran bertulis terlebih dahulu daripada pihak yang diberi kuasa meluluskannya di setiap institusi tersebut;
- (d) bahawa PELAJAR, bertanggungjawab sepenuhnya membayar daripada Pinjaman Tersebut segala yuran pengajian dan apa-apa kos lain yang dikenakan oleh universiti, kolej atau institusi di mana PELAJAR mengikuti kursus pengajian tersebut;
- (e) bahawa Pinjaman Tersebut dikenakan kos pentadbiran ke atas baki prinsipal berkurangan mulai Tarikh Permulaan Bayaran Balik Pinjaman Tersebut;
- (f) bahawa penentuan tarikh sebenar tamat tempoh pembayaran pinjaman dalam Perjanjian Pinjaman Pendidikan adalah ditentukan oleh PERBADANAN atas budi bicara mutlaknyanya;
- (g) bahawa PELAJAR, akan membayar balik semua Pinjaman Tersebut berserta kos pentadbiran (kemudian daripada ini disebut "Keseluruhan Pinjaman Tersebut") kepada PERBADANAN secara ansuran bulanan;
- (h) bahawa segala maklumat berkaitan dengan Perjanjian Pinjaman Pendidikan boleh diberikan oleh PERBADANAN kepada mana-mana biro pinjaman atau agensi yang diluluskan oleh Bank Negara Malaysia, mana-mana biro lain yang diluluskan oleh Persatuan Syarikat-Syarikat Kawangan di Malaysia dan pihak-pihak ketiga lain yang berkemungkinan berurusan dengan PELAJAR dan, pihak PERBADANAN tidak akan menanggung apa-apa liabiliti jika berlaku sebarang kerugian atau kehilangan sama ada secara langsung atau tidak langsung. PERBADANAN juga berhak pada bila-bila masa untuk meminta pihak-pihak di atas menahkurnya apa-apa kemudahan yang dipohon oleh PELAJAR; dan



- (i) membenarkan PERBADANAN menyiarkan maklumat PELAJAR yang gagal menjelaskan Keseluruhan Pinjaman Tersebut dalam tempoh yang ditetapkan oleh PERBADANAN di dalam mana-mana siaran media sebaran am termasuk akhbar, televisyen dan radio. PERBADANAN tidak akan bertanggungjawab terhadap sebarang liabiliti, secara langsung atau tidak langsung, yang diakibatkan oleh pendedahan berkenaan, sama ada kepada PERBADANAN atau mana-mana pihak lain.

2. Bagi pelajar Ijazah Pertama jurusan Sains dan Teknologi peringkat pengajian sepenuh masa yang diberi pinjaman tambahan sebanyak RM500 setahun, jumlah ini hendaklah dibayar balik oleh PELAJAR bersama-sama Keseluruhan Pinjaman Tersebut tetapi bayaran balik pinjaman RM500 ini adalah dikecualikan daripada bayaran kos pentadbiran.

3. Pinjaman Tersebut akan dibayar secara berperingkat mengikut kaedah pengajian yang dijatani oleh PELAJAR (penggal atau semester) yang dikira secara pro-rata. Jika PELAJAR digantung mana-mana penggal atau semester, atau memperolehi keputusan peperiksaan bagi semester tersebut kurang daripada tahap yang ditetapkan oleh PERBADANAN dari semasa ke semasa, maka PERBADANAN berhak menggantung pembayaran Pinjaman Tersebut bagi tempoh penggantungan itu. Pembayaran Pinjaman Tersebut boleh, atas atas budi bicara mutlak PERBADANAN disambung semula apabila PELAJAR menyambung semula pengajian atau mendapat keputusan peperiksaan sebagaimana yang ditetapkan oleh PERBADANAN. Walau apa pun yang tersebut di atas, PERBADANAN boleh menurut budi bicara mutlaknya untuk menentukan kaedah pembayaran yang sesuai bagi PELAJAR. PERBADANAN juga berhak untuk menamatkan Perjanjian Pinjaman Pendidikan sekiranya PELAJAR menamatkan pengajiannya lebih awal daripada tempoh Pembayaran Pinjaman Tersebut.

4. Sekiranya PELAJAR perlu untuk menukarkan nombor akaun dan bank kepada yang baru, PELAJAR hendaklah memaklumkan nombor akaun dan bank yang baru itu secara bertulis kepada PERBADANAN secepat mungkin dan surat berkenaan hendaklah dibaca bersama-sama dan menjadi sebahagian daripada Perjanjian Pinjaman Pendidikan.

5. Sekiranya Pinjaman Tersebut dibayar oleh PERBADANAN dengan cara bayaran terus kepada universiti, kolej atau institusi berkenaan, potongan bagi bayaran yuran pengajian akan dibuat oleh universiti, kolej atau institusi mengikut amalan/peraturan universiti, kolej atau institusi berkenaan. PELAJAR adalah dikehendaki membuka akaun bank dan memaklumkan kepada universiti, kolej atau institusi nombor akaun masing-masing.

6. Untuk melindungi kepentingan PERBADANAN akibat kematian atau apa-apa kecacatan kekal yang dialami oleh PELAJAR di sepanjang tempoh pembayaran Pinjaman Tersebut dan tempoh bayaran balik Keseluruhan Pinjaman Tersebut, PERBADANAN adalah berhak mengikut budi bicara mutlaknya mengambil dan memenuhi apa-apa prosedur bagi mengambil termasuk memberikan akad bagi pihak PELAJAR perlindungan insurans ke atas Pinjaman Tersebut daripada penawar pakej insurans yang diluluskan oleh PERBADANAN dan PELAJAR adalah dikehendaki menanggung semua kos termasuk sumbangan bagi perlindungan insurans tersebut. PELAJAR adalah dengan ini memberi persetujuan yang tidak boleh dibatalkan untuk membenarkan PERBADANAN memotong terus kos perlindungan insurans ini daripada Pinjaman Tersebut yang dibayar oleh PERBADANAN kepada PELAJAR atau mengikut apa-apa kaedah yang ditetapkan oleh PERBADANAN. Walau apa pun peruntukan di atas, PERBADANAN atas budi bicara mutlaknya berhak untuk menuntut daripada PELAJAR, waris-waris, wasi-wasi penerima-penerima serahak PELAJAR, apa-apa jumlah yang masih terhutang kepada PERBADANAN yang tidak dilindungi oleh insurans.

7. Lembaga Hasil Dalam Negeri atau mana-mana ejen lain yang dilantik oleh PERBADANAN menjadi ejen pemungutan untuk dan bagi pihak PERBADANAN untuk mendapatkan pembayaran balik Keseluruhan Pinjaman Tersebut yang kena dibayar balik oleh PELAJAR kepada PERBADANAN adalah berkuasa memaklumkan secara bertulis kepada seseorang majikan yang mengambil PELAJAR bekerja untuk memotong daripada gaji PELAJAR apa-apa jumlah wang yang merupakan amaun bayaran balik bulanan yang dikehendaki daripada PELAJAR bagi tujuan pelepasan Keseluruhan Pinjaman Tersebut dan kemudiannya diremitkan kepada Lembaga Hasil Dalam Negeri atau mana-mana ejen lain yang dilantik. Bagi PELAJAR yang bekerja sendiri PELAJAR hendaklah membuat pembayaran balik Keseluruhan Pinjaman Tersebut terus kepada Lembaga Hasil Dalam Negeri atau mana-mana ejen lain yang dilantik mengikut amaun bayaran balik bulanan Keseluruhan Pinjaman Tersebut yang telah ditetapkan di dalam Perjanjian Pinjaman Pendidikan atau di dalam notis bayaran balik yang dihantar kepada PELAJAR.

8. Tiada apa-apa yang terkandung dalam Fasal 7 boleh menjejaskan hak dan kuasa PERBADANAN untuk menuntut bayaran balik Keseluruhan Pinjaman Tersebut terus daripada PELAJAR.

9. Bagi PELAJAR yang gagal membuat pembayaran balik Keseluruhan Pinjaman Tersebut menurut Perjanjian Pinjaman Pendidikan, PERBADANAN boleh memberi notis kepada PELAJAR supaya membayar balik baki Keseluruhan Pinjaman Tersebut termasuk ansuran bulanan yang tertunggak sekaligus dalam satu bayaran dan, sebagai tambahan, boleh memohon kepada pentadbiran ke atas jumlah ansuran bulanan yang tertunggak itu bagi tempoh yang mana ansuran itu tertunggak.

10. PELAJAR adalah bertanggungjawab memaklumkan kepada PERBADANAN dalam terkini tempat tinggalnya dan alamat terkini tempat bekerjanya dengan serta-merta kepada PERBADANAN dari semasa ke semasa.

11. PELAJAR bertanggungjawab memberitahu PERBADANAN secara bertulis berkenaan pemberian apa-apa biasiswa, dermasiswa, pinjaman atau lain-lain bentuk bantuan kewangan yang diberikan kepadanya semasa berjalannya kursus atau latihan yang baginya Pinjaman Tersebut di bawah Perjanjian Pinjaman Pendidikan telah diberikan selepas sahaja pemberian biasiswa, dermasiswa, pinjaman atau lain-lain bentuk bantuan kewangan atau selainnya yang diberikan oleh mana-mana agensi Kerajaan Persekutuan atau Negeri atau lain-lain badan yang pemberian biasiswa, dermasiswa, pinjaman atau lain-lain bentuk bantuan kewangan yang pengeluaran wang tersebut diluluskan oleh Kerajaan untuk tidak dikenakan cukai pendapatan. Apabila PERBADANAN menerima notis itu daripada PELAJAR, PERBADANAN adalah berhak untuk menarik balik atau berhenti memberi apa-apa jumlah selanjutnya berkenaan dengan Pinjaman Tersebut dan meminta PELAJAR membayar balik apa-apa jumlah Pinjaman Tersebut yang dibayar kepadanya dengan serta-merta termasuk kos pentadbiran. Kegagalan PELAJAR untuk memberitahu sedemikian hendaklah disifatkan sebagai suatu pelanggaran terhadap Perjanjian Pinjaman Pendidikan dan PERBADANAN berhak menamatkan Perjanjian Pinjaman Pendidikan tanpa memberi sebarang pemberitahuan notis bertulis kepada PELAJAR. Jika Perjanjian ditamatkan di bawah Fasal ini, PELAJAR hendaklah bertanggungjawab membayar balik jumlah Pinjaman Tersebut yang dibayar kepada PELAJAR dengan serta-merta termasuk kos pentadbiran.

12. Tanpa menjejaskan Fasal 11 Lampiran ini, PERBADANAN boleh atas budi bicara mutlaknya meminta PELAJAR menjelaskan apa-apa jumlah Pinjaman Tersebut yang dibayar kepadanya termasuk kos pentadbiran sama ada melalui ansuran bulanan atau pemotongan sejumlah amaun yang dipersetujui daripada penaja PELAJAR yang baru sama ada agensi Kerajaan Persekutuan atau Negeri atau lain-lain badan yang dinyatakan di bawah Fasal 11 Lampiran ini.


Ketua Pegawai


Ketua Pegawai


Ketua Pegawai

13. Jika PELAJAR melakukan pelanggaran terhadap mana-mana Fasal dalam Lampiran Perjanjian Pinjaman Pendidikan, PERBADANAN boleh, menurut budi bicara mutlaknyanya, menamatkan Perjanjian Pinjaman Pendidikan dan dengan itu tanpa menyentuh hak-hak PERBADANAN termasuk untuk menuntut bayaran balik ke atas Keseluruhan Pinjaman Tersebut daripada PELAJAR di bawah Perjanjian Pinjaman Pendidikan dan PELAJAR tidaklah lagi mempunyai apa-apa tuntutan ke atas apa-apa faedah Perjanjian Pinjaman Pendidikan.

14. Walau apa pun yang tersebut di atas, adalah selanjutnya dipersetujui dan diakui bahawa jika PELAJAR:

- (a) meninggalkan kursus pengajian sebelum tamatnya kursus itu sama ada secara sukarela, atau disebabkan kegagalan;
- (b) melanggar apa-apa peraturan universiti, kolej atau institusi yang ditetapkan ke atas PELAJAR;
- (c) menukarkan kursus pengajian, tanpa persetujuan bertulis PERBADANAN;
- (d) digantung daripada kursus pengajian atau dibuang dari universiti, kolej atau institusi di mana kursus pengajian itu atau mana-mana bahagiannya dijalankan atas apa-apa sebab;
- (e) diisytihar bankrap oleh Mahkamah; atau
- (f) telah melakukan apa-apa pelanggaran yang menyebabkan Perjanjian Pinjaman Pendidikan ditamatkan,

PERBADANAN berhak menamatkan Perjanjian Pinjaman Pendidikan tanpa memberi sebarang pemberitahuan notis bertulis kepada PELAJAR.

15. Walau apa pun yang tersebut di atas, PERBADANAN boleh, menurut budi bicara mutlaknyanya tanpa memberi sebarang pemberitahuan notis secara bertulis kepada PELAJAR menamatkan Perjanjian Pinjaman Pendidikan pada bila-bila masa, jika PERBADANAN mendapati PELAJAR memberi maklumat palsu dalam apa-apa borang yang dikemukakan bagi maksud mendapatkan Pinjaman Tersebut dan dengan ini segala faedah bagi dan tanggungan PELAJAR di bawah Perjanjian Pinjaman Pendidikan adalah terhapus tanpa menjejaskan hak PERBADANAN untuk mendapatkan kembali apa-apa pinjaman yang telah dibayar oleh PERBADANAN kepada PELAJAR di bawah Perjanjian Pinjaman Pendidikan.

16. Tanpa menjejaskan Fasal 7 Lampiran ini, jika PERBADANAN menyediakan satu skim pembayaran balik berkenaan wang pinjaman yang telah dibayar oleh PELAJAR ke atas Keseluruhan Pinjaman Tersebut kepada PERBADANAN selain daripada yang ditetapkan di bawah Fasal 7, PELAJAR adalah dengan ini memberi persetujuan yang tidak boleh dibatalkan untuk membenarkan PERBADANAN membuat perkiraan dengan sesiapa jua majikan PELAJAR kemudian nanti supaya pendapatannya dipotong dengan sewajarnya bagi pihak PERBADANAN. PERBADANAN adalah berhak pada bila-bila masa untuk mengubah cara dan/atau masa bagi pembayaran balik itu dan meminta pembayaran balik dengan serta-merta bagi Keseluruhan Pinjaman Tersebut atau sebanyak mana yang masih belum dibayar menurut budi bicara mutlaknyanya tanpa memberi apa-apa sebab baginya. PERBADANAN juga berhak pada bila-bila masa untuk meminta mana-mana Agensi Kerajaan Persekutuan atau Negeri termasuk Jabatan Perkhidmatan Awam, Kumpulan Wang Simpanan Pekerja atau Pertubuhan Keselamatan Sosial membayar daripada saguhati persaraan atau caruman PELAJAR bagi tujuan pelepasan Keseluruhan Pinjaman Tersebut.

Her  

17. PELAJAR dengan ini memberi pengakuan akan membayar balik kepada PERBADANAN apabila dituntut semua kos dan perbelanjaan untuk menuntut, menyaman atau mendapatkan balik apa-apa wang terhutang oleh PELAJAR kepada PERBADANAN atau menguatkuasakan apa-apa tanggungan lain di bawah Perjanjian Pinjaman Pendidikan.
18. PELAJAR dengan ini memberi kebenaran kepada PERBADANAN untuk menghubungi bank PELAJAR, Lembaga Hasil Dalam Negeri, Kumpulan Wang Simpanan Pekerja, Pertubuhan Keselamatan Sosial atau mana-mana agensi lain untuk mendapatkan maklumat-maklumat peribadi PELAJAR apabila diperiukan bagi tujuan menguatkuasakan Perjanjian Pinjaman Pendidikan.
19. Duti setem yang kena dibayar kepada Perjanjian Pinjaman Pendidikan hendaklah ditanggung dan dibayar oleh PELAJAR.
20. Sebarang kelonggaran, penangguhan tindakan, kelewatan, atau sikap membiarkan oleh PERBADANAN atau wakil yang dilantik oleh PERBADANAN berkenaan dengan melaksanakan mana-mana syarat dan terma Perjanjian Pinjaman Pendidikan ataupun pemberian maklumat PERBADANAN kepada PELAJAR, tidak akan dengan apa cara sekalipun membatalkan, memberi kesan atau mengurangkan hak-hak dan kuasa PERBADANAN di bawah Perjanjian Pinjaman Pendidikan, begitu juga sebarang penepian oleh PERBADANAN atau pelanggaran oleh PELAJAR tidak akan bertindak sebagai penepian terhadap pelanggaran yang berikutnya.
21. Walau apa pun yang tersebut di atas sekiranya apa-apa peruntukan di dalam Perjanjian Pinjaman Pendidikan adalah atau menjadi tidak sah, menyalahi undang-undang atau tidak boleh dikuatkuasakan di dalam apa-apa hal sekalipun di bawah apa jua undang-undang, keesahan dari segi undang-undang atau kebolehan untuk dikuatkuasakan peruntukan-peruntukan yang lain tidak akan dalam apa cara sekalipun dijejakkan atau dilemahkan olehnya.
22. PERBADANAN adalah dibebaskan dan tidak bertanggungjawab bagi sebarang ketinggalan atau kegagalan dalam melaksanakan Perjanjian Pinjaman Pendidikan jika ketinggalan atau kegagalan itu timbul daripada keadaan-keadaan darurat seperti rusuhan dan kekecohan awam, mogok, kebakaran, taufan, peperangan, bahaya laut atau kerana sebab-sebab atau bahaya yang di luar kawalan PERBADANAN yang menyebabkan pelaksanaan Perjanjian Pinjaman Pendidikan menjadi mustahil.
23. Sebarang notis yang hendak diberi oleh PERBADANAN mengenai pembayaran balik Keseluruhan Pinjaman tersebut kepada PELAJAR termasuk Saman, Writ Saman dan Pernyataan Tuntutan akan menjadi penyampaian yang cukup kepada PELAJAR jika dihantar dengan tangan atau dihantar melalui pos atau perantara atau ditinggalkan di alamat seperti yang tersebut dalam Perjanjian Pinjaman Pendidikan dan jika dihantar melalui pos hendaklah disifatkan sebagai diterima oleh PELAJAR selepas empat puluh lapan (48) jam notis tersebut diposkan. Jika berlaku pertukaran alamat, PELAJAR hendaklah memaklumkan perkara tersebut kepada PERBADANAN dengan serta-merta.
24. Sebarang notis yang hendak diberikan oleh PELAJAR kepada PERBADANAN hendaklah secara bertulis dan menjadi penyampaian yang cukup kepada PERBADANAN jika dihantar dengan tangan atau dihantar melalui pos berdaftar kepada PERBADANAN di alamat seperti yang tersebut dalam Surat Tawaran yang dibaca bersama-sama dengan Perjanjian Pinjaman Pendidikan. Jika berlaku pertukaran alamat, PERBADANAN akan memaklumkan perkara tersebut kepada PELAJAR.



25. Walau apa pun yang tersebut di atas PERBADANAN berhak pada bila-bila masa menurut budi bicara mutlaknyanya meminda atau menambah terma-terma atau syarat-syarat yang terkandung di dalam Perjanjian Pinjaman Pendidikan.

26. Seseorang PELAJAR yang ingin meninggalkan Malaysia dan masih dalam tempoh bayaran balik Pinjaman Tersebut adalah bertanggungjawab memberi notis tiga (3) bulan kepada PERBADANAN. PERBADANAN boleh mengikut budi bicara mutlaknyanya meminta PELAJAR untuk membuat bayaran sekaligus Keseluruhan Pinjaman Tersebut sebelum PELAJAR meninggalkan Malaysia.

27. Perjanjian Pinjaman Pendidikan ini adalah dianggap sebagai kontrak yang dibuat di bawah Undang-Undang Malaysia dan bagi semua tujuan akan tertakluk kepada tafsir menurut Undang-Undang Malaysia dan PELAJAR adalah dengan ini bersetuju untuk tertakluk kepada bidang kuasa Mahkamah di Kuala Lumpur atau mana-mana Mahkamah sebagaimana yang ditentukan oleh PERBADANAN dan PELAJAR adalah dengan ini mengesahkan sebarang bantahan terhadap apa-apa tindakan undang-undang yang berbangkit atau yang berkenaan dengan Keseluruhan Pinjaman Tersebut yang dibawa di dalam Mahkamah di Kuala Lumpur atau mana-mana Mahkamah di bawah Undang-Undang Malaysia sama ada atas alasan lokasi atau forum yang menyusahkan.

28. Walau apa pun yang tersebut di atas, PERBADANAN boleh menurut budi bicara mutlaknyanya tanpa memberi sebarang pemberitahuan notis secara bertulis kepada PELAJAR menggabungkan, menyatukan atau mencantumkan semua atau mana-mana pinjaman PELAJAR dengan PERBADANAN dan PERBADANAN boleh menolak atau memindahkan apa-apa jumlah pinjaman termasuk kos pentadbiran bagi mana-mana pinjaman PELAJAR dengan PERBADANAN mengikut apa-apa terma dan syarat yang disifatkan oleh PERBADANAN patut dikenakan.

29. Adalah dengan ini dipersetujui dan diakui bahawa walau apa pun yang berlawanan yang terkandung di atas, PERBADANAN adalah mengikut budi bicara mutlaknyanya menarik balik kemudahan Pinjaman Tersebut sekiranya pada pendapat PERBADANAN munasabah dan PELAJAR adalah bertanggungjawab menjelaskan sekaligus baki Keseluruhan Pinjaman Tersebut yang masih ada dari tarikh notis dikeluarkan oleh PERBADANAN.

30. PELAJAR adalah dengan ini bersetuju bahawa perakuan yang dikeluarkan oleh PERBADANAN dan telah diprakuai sah oleh Ketua Eksekutif atau mana-mana pegawai yang diberikuasa memperakuinya hendaklah tanpa sebarang kesilapan nyata menjadi bukti konklusif mengenai amaun pinjaman pendidikan yang belum dijelaskan dan kena dibayar oleh PELAJAR kepada PERBADANAN bagi tujuan bayaran balik pinjaman pendidikan tersebut.

31. Perjanjian ini hendaklah mengikat waris-waris, wasi-wasi penerima-penerima serahak PELAJAR.

32. Masa adalah menjadi perkara terpenting di dalam Perjanjian Pinjaman Pendidikan.

PERBADANAN TABUNG PENDIDIKAN TINGGI NASIONAL

JAMINAN

(Jaminan ini hendaklah dibaca bersama dan menjadi sebahagian daripada Perjanjian Pinjaman Pendidikan)

Sebagai balasan bagi jumlah pinjaman yang diluluskan seperti yang dinyatakan di dalam Jadual I : Maklumat Pinjaman (kemudian daripada ini disebut sebagai "Pinjaman Tersebut") yang telah dipersetujui oleh Perbadanan Tabung Pendidikan Tinggi Nasional (kemudian daripada ini disebut "PERBADANAN") untuk dipinjamkan kepada pelajar seperti yang dinyatakan di dalam jadual yang sama (kemudian daripada ini disebut "PELAJAR") dengan syarat Jaminan ini disempurnakan oleh PENJAMIN-PENJAMIN yang mana butiran peribadi mereka dinyatakan di Jadual II : Maklumat Penjamin. PENJAMIN-PENJAMIN bersetuju untuk menjamin pelaksanaan oleh PELAJAR terhadap kewajipan dan tanggungjawab di bawah Perjanjian Pinjaman Pendidikan (kemudian daripada ini disebut sebagai "Perjanjian Tersebut") dan selanjutnya telah bersetuju untuk melepaskan tanggungan PERBADANAN terhadap apa-apa kerugian yang akan dialami oleh PELAJAR akibat daripada kemungkiran oleh PELAJAR terhadap Perjanjian Tersebut atau mana-mana bagiannya.

2. PENJAMIN-PENJAMIN menjamin bayaran balik akan dilaksanakan dengan baik oleh PELAJAR dan bersetuju menggantirugi PERBADANAN di atas sebarang kerugian yang dialami kerana pelanggaran atau tidak ditunaikan oleh PELAJAR atas syarat-syarat Perjanjian Tersebut dan diakui bahawa PERBADANAN berhak untuk membuat sesuatu tuntutan terhadap atau mendakwa PENJAMIN-PENJAMIN atau salah seorang daripada mereka.

3. Adalah dengan ini dipersetujui dan diakui bahawa jika pada bila-bila masa dalam masa berjalan kuatkuasanya Perjanjian Tersebut salah seorang PENJAMIN atau kedua-dua PENJAMIN itu meninggal dunia atau tidak lagi bermastautin dalam Malaysia atau berada di luar Malaysia selama lebih daripada dua belas (12) bulan berturut-turut atau dihukum menjadi seorang bankrap atau memperolehi suatu perintah pentadbiran pemakan gaji, maka dalam tiap-tiap hal yang sederhana itu, seseorang daripada PENJAMIN-PENJAMIN yang masih ada, hendaklah mendapatkan seseorang penjamin baru untuk menggantikan seorang daripada PENJAMIN-PENJAMIN itu melainkan dia disetujui terlebih dahulu oleh PERBADANAN dan dia bersetuju untuk menjadi seorang PENJAMIN mengikut had-had dan syarat-syarat Perjanjian Tersebut dan Jaminan ini. Walau apa pun peruntukan yang dinyatakan di atas, PERBADANAN adalah berhak untuk menggunakan budi bicaranya dalam menentukan perihai berkenaan PENJAMIN-PENJAMIN dari semasa ke semasa.

4. Adalah selanjutnya dipersetujui dan diakui bahawa jika PELAJAR:

- (a) meninggalkan kursus pengajian sebelum tamatnya kursus itu, sama ada secara sukarela atau disebabkan kegagalan;
- (b) melanggar apa-apa peraturan universiti, kolej atau institusi yang ditetapkan ke atas PELAJAR;
- (c) menukarkan kursus pengajian tanpa persetujuan bertulis PERBADANAN;
- (d) digantung daripada kursus pengajian atau dibuang dari universiti, kolej atau institusi di mana kursus pengajian itu atau mana-mana bahagiannya dijalankan atas apa-apa sebab;
- (e) diisytihar bankrap oleh Mahkamah; atau
- (f) telah melakukan apa-apa pelanggaran yang menyebabkan Perjanjian Pinjaman Pendidikan ditamatkan,

maka dalam mana-mana hal yang demikian itu, PERBADANAN adalah berhak untuk menamatkan Perjanjian Pinjaman Pendidikan tanpa memberi sebarang pemberitahuan notis bertulis kepada PELAJAR dan PENJAMIN-PENJAMIN dan dengan ini, segala faedah bagi dan tanggungan PELAJAR di bawah Perjanjian Tersebut adalah terhenti tanpa menjejaskan hak PERBADANAN untuk mendapatkan kembali daripada PELAJAR dan PENJAMIN-PENJAMIN Keseluruhan Pinjaman Tersebut.

5. Jaminan ini hendaklah mengikat waris-waris, wasi-wasi penerima-penerima serahak PENJAMIN-PENJAMIN.

JADUAL I : MAKLUMAT PINJAMAN	
PERKARA	BUTIRAN PELAJAR
NAMA PELAJAR	Nama: HASRUL NIZAM BIN AHMAD No. Kad Pengenalan: 810814065255
ALAMAT PELAJAR	NO2 JALAN SANA SINI, TAMAN AHLI, 12333 BANDAR AHLI, JOHOR
INSTITUSI	UNIVERSITI ISLAM ANTARABANGSA
KURSUS/PROGRAM	SEPENUH MASA-DOKTOR FALSAFAH FALSAFAH, TEOLOGY, ETIKA DAN ISU-ISU SEMASA
JENIS PENGAJIAN	SEPENUH MASA
PERINGKAT PENGAJIAN	DOKTOR FALSAFAH SEPENUH MASA
TEMPOH PEMBAYARAN PINJAMAN	2 SEMESTER
MULAI	01/12/2007
HINGGA	29/11/2008
PINJAMAN YANG DILULUSKAN	RM 745.00

JADUAL II : MAKLUMAT PENJAMIN	
PENJAMIN PERTAMA	PENJAMIN KEDUA
NAMA : AHMAD BIN ABU	NAMA : ZAWIYAH BINTI YAACOB
NO. KP : 571110015543	NO. KP : 590505035144
ALAMAT: LOT 141 – D DEPAN PEJABAT POS PULAI CONDONG 16600 MACHANG KELANTAN	ALAMAT: LOT 141 – D DEPAN PEJABAT POS PULAI CONDONG 16600 MACHANG KELANTAN

PADA MENYAKSIKAN HAL DI ATAS, saya mengakui bahawa saya telah membaca dan memahami syarat-syarat dan terma-terma yang dinyatakan dalam Jaminan ini.

Ditandatangani oleh PENJAMIN PERTAMA

(Tandatangan PENJAMIN PERTAMA)

Nama PENJAMIN PERTAMA: AHMAD BIN ABU

Disaksikan oleh:

Nama Saksi:

No. Kad Pengenalan: I/C : 570804 - 11 -5333

Cop Rasmi Jawatan dan Jabatan

HJ. KAMARUDIN BIN HJ. IBRAHIM
Pengetua
Sekolah Menengah Kebangsaan Melawati
18500 Machang, Kelantan

(Tandatangan Saksi PENJAMIN)

Ditandatangani oleh PENJAMIN KEDUA

(Tandatangan PENJAMIN KEDUA)

Nama PENJAMIN KEDUA: ZAHARA BINTI YAACOB

Disaksikan oleh:

Nama Saksi:

No. Kad Pengenalan: I/C : 570804 - 11 -5333

Cop Rasmi Jawatan dan Jabatan

HJ. KAMARUDIN BIN HJ. IBRAHIM
Pengetua
Sekolah Menengah Kebangsaan Melawati
18500 Machang, Kelantan

(Tandatangan Saksi PENJAMIN)

Bertarikh 30 hb 05 2008


AKUAN PENJAMIN

NAMA PELAJAR	HASRUL NIZAM BIN AHMAD
NOMBOR KAD PENGENALAN	810814065255
KURSUS/PROGRAM	SEPENUH MASA-DOKTOR FALSAFAH FALSAFAH, TECHNOLOGY, ETIKA DAN ISU-ISU SEMASA
INSTITUSI	UNIVERSITI ISLAM ANTARABANGSA
NOMBOR SURAT TAWARAN	2008/232661
TARIKH SURAT TAWARAN	08/05/2008

Saya sebagai Penjamin kepada PELAJAR seperti namanya di atas telah membaca dan memahami segala syarat dan terma pinjaman seperti yang dinyatakan dalam Surat Tawaran Pinjaman, Perjanjian Pinjaman Pendidikan dan Jaminan ("dokumen tersebut").

Saya juga bersetuju bahawa PERBADANAN hanya akan mengemukakan salinan dokumen tersebut kepada saya setelah menerima permohonan secara rasmi daripada saya.

Ditandatangani oleh PENJAMIN PERTAMA)




(Tandatangan PENJAMIN PERTAMA)

Nama PENJAMIN PERTAMA: HAMID BIN ABU

No. Kad Pengenalan: 571110015543

Ditandatangani oleh PENJAMIN KEDUA)



(Tandatangan PENJAMIN KEDUA)

Nama PENJAMIN KEDUA: ZAWIYAH BINTI YAACOB

No. Kad Pengenalan: 590505035144

CONTOH

